



OSTEOPOROSIAREN TRATAMENDU FARMAKOLOGIKOA: ARRISCU HANDIKO POPULAZIOA IDENTIFIKATZEAREN GARRANTZIA

AURKIBIDEA

- ▶ SARRERA
- ▶ ERAGINKORTASUNA
- ▶ SEGURTASUNA
- ▶ IRAUPENA
- ▶ ERROMOSOZUMABA: osteoporosiaren kontra merkaturatu den azken farmakoa
- ▶ FUNTSEZKO IDEIAK



Osakidetza

SARRERA

Osteoporosiak hezurraren dentsitate mineral txikia eta hezur-mikroarkitekturaren narriadura ditu ezaugarri; biek ala biek joera dute hauskortasunak eragindako hausturetarako arriskua handitzeko, eta, beraz, mina eta desgaitasuna sortu eta bizi-kalitatea kaskartzeko¹⁻³. Horregatik, osteoporosiaren tratamenduak hausturak prebenitzea izan behar du helburu, eta tratamenduak eraginkorrik diren jakiteko, zera neurtu behar da: zer gaitasun duten hausturen intzidentzia gutxitzeko².

Haustura ohikoak eta larrienak femur proximalekoak, bizkarrezurrekoak eta besurre distalekoak izaten dira (2). Haustura arruntenak ornoenak dira eta, hauen bi heren inguru asintomatikoak diren arren, gerora beste haustura batzuk izateko arrisku faktore bat dira^{1,4}. Zehazki, aldakako haustura lotzen da hilkortasun-tasa eta funtzionalitate-galera handienarekin (erasandako % 26 hausturaren ondorengo 12 hilabeteetan hilko dira, eta pazienteen % 52 soilik izango dira gai beren kabuz bizitzeko 120 egun igaro ondoren)¹, eta, horrenbestez, garantzi kliniko handiena duen eraginkortasun-aldaagaia da⁵.

Hezurraren dentsitate mineralaren eta haustura-arriskuaren artean alderantzizko erlazioa badago ere, hezurraren dentsitate mineralak hausturak aurreikusteko duen gaitasunak badu lotura adinarekin, hezurraren kalitatearekin eta formarekin, erorikoak izateko joerarekin eta beste zenbait arrisku-faktorerekin, hala nola haustura-aurrekariekin⁶. Egiaz, hauskortasunak eragindako haustura-kasu gehienak T-score >-2,5 duten pazienteenak izaten dira; hau da, osteoporosi dentsitometrikorik ez dutenenak^{2,6}. Horregatik, osteoporosiari aurre egiteko gidek haustura-arrisku handiko pazienteentzat gomendatzen dute tratamendu farmakologikoa, eta, arrisku hori balioesteko, ez dute soilik hezurraren dentsitate minerala kontuan hartzen, baita arrisku-faktore klinikoak ere⁷. Arriskua kalkulatzeko hainbat tresna garatu dira, faktore asko kontuan hartzen dituztenak, baina haien artean ezagunena eta erabiliena FRAX® da².

Adina arrisku-faktore independentea denez hauskortasunak eragindako hausturetan, epe luzeko neurriak ezarri behar izaten dira maiz osteoporosiari heltzeko, eta, halakoetan, ezinbestekoak dira neurri ez-farmakologikoak, medikamentuekin bakarrik ez da konpontzen eta (ikusi **i-botika** fitxa). Hausturak prebenitzeko neurri gisa gomendatzen dira, besteak beste, bizimodu osasungarria eramatea, dieta orekatua izatea, ariketa fisikoa erregularki egingea, tabakorik ez erretzea, alkoholaren kontsumoa murriztea eta erorikoak prebenitzeko neurriak hartzea².

Bestalde, eskura dauden farmakoen eraginkortasuna mugatua eta iraupen ezezagunekoa da. Paziente asko tratatu behar izaten dira gertaera (haustura) saihesteko, eta, orobat, denbora asko itxaron behar izaten da onurak naboritzen hasteko; gainera, farmakoek bigarren mailako ondorioak izaten dituzte, oso kontuan hartu beharrekoak^{8,9}. Horrez gain, badira zenbait farmako, baimendutako tratamenduak iraun dezakeen denborari buruz mugak dituztenak (teriparatida, erromosozumaba), edo eteten zailak direnak (denosumaba)¹. Hori guztia dela eta, tratamendu farmakologikoa hasi baino lehen, nahitaezkoa da zorrotz balioestea zein den tratamendu bakoitzaren onura/arrisku balantzea eta pentsatzea paziente bakoitzean nola maneiaturiko den tratamendua epe luzera.

Osteoporosiari aurre egiteko beste alderdi batzuk kontsultatzeko, [EAEn menopausia osteko osteoporosiari buruzko adostasuna](#) izeneko agiriaren gomendioak laburbiltzen dituen 2015eko INFAC buletinera jo daiteke. INFAC buletinaren ale honetan, osteoporosiaren tratamendu farmakologikoarekin zerikusia duten zenbait alderdi eztabaidagarri aztertuko ditugu.

ERAGINKORTASUNA

Frogatuta dago osteoporosia tratatzeko farmako guztiak eraginkorrik direla ornoetako hausturen gutxitzean, baina soilik batzuek frogatu dute eraginkorrik direla ornoetakoak ez diren hausturen eta aldakako hausturen prebentzioan. Osteoporosiaren prebentzioan ez daude 65 urtetik beherakoan egindako ikerlanik, eta osteopenia duten emakumeetan hausturen gutxitzea erakutsi duenik¹⁰. Azterlan askok aldagai subrogatuak hartzen dituzte oinarritzat, hala nola hezurraren dentsitate minerala, baina, lehen ere esan denez, hezurraren dentsitate mineralak ez du beti haustureniko korrelaziorik izaten.

Azpimarratu beharra dago farmakoen onura, zenbaki absolutuak hartuta, apala dela. Duela gutxi, meta-analisi bat egin zen¹¹ prebentzio primario eta sekundarioko pazienteekin, eta, analisi horren arabera, ornoetako haustura kliniko bat prebenitzeko, 200 emakume postmenopausiko tratatu behar dira bisfosfonatoekin (alendronatoa, errisedronatoa edo azido zoledronikoa), 12,1 hilabetez, eta aldakako haustura bat prebenitzeko, berriz, beste horrenbeste emakume, 20,3 hilabetez. Halaber, FREEDOM azterlanaren datuen arabera, zeinean aldakako haustura aldagai sekundarioa baitzen, 230 emakume tratatu beharko lirateke 3 urtez denosumabarekin, aldakako haustura bat prebenitzeko^{10,12}.

Ororat, kontuan hartu behar da farmakoak konparatzeko saiakuntza gutxi daudela eta ez dela egokia zeharkako konparazioak egitea, azterlanetako populazioak ezberdinak direlako (arrisku basalaren mailak ezberdinak dira, farmakoekiko aurretiazko esposizioa ezberdina da...)^{2,13}. Gainera, gizonekin egindako azterlanak urriak dira, eta ez dituzte jasotzen haustura-arriskua murrizten duten aldagai nagusiak. Horrek esan nahi du gizonentzat ematen diren tratamendu farmakologikoko gomendio gehienak emakumeekin egindako azterlanetik estrapolatzen direla^{3,13}.

1. taula. Osteoporosiaren tratamendu farmakologiko ohikoenek ornoetako eta aldakako haustura-arriskua murritzeko duten eraginkortasunaren ebidentzia, eta haien beste ezagutari batzuk^{3,5,9,14,15}

| Farmakoa | Ornoetako haustura | | Aldakako haustura | | Gizonentzako baimendua | Administratze-ko bidea | Aldizkakota-suna | Tratamendua-ren hileko kostua |
|-----------------------------------|---|---|---|---|------------------------|------------------------|---|-------------------------------|
| | Prebentzio primarioa (urretiazko ornoetako hausturariik gabe) | Prebentzio sekundarioa (urretiazko ornoetako hausturarekin) | Prebentzio primarioa (urretiazko ornoetako hausturariik gabe) | Prebentzio sekundarioa (urretiazko ornoetako hausturarekin) | | | | |
| Alendronatoa ^{16,17} | Bai | Bai | Ez | Bai ^a | Ez | Ahotikoa | Astean behin | 10,0 € |
| Erisedronatoa ^{18,20} | Ez | Bai | Ez ^b | Bai ^b | Ez Bai | Ahotikoa | Egunean behin Astean behin Hilean behin | 19,8 € 19,8 € 21,3 € |
| Ibandronatoa ²¹ | Ez | Bai | Ez | Ez | Ez | Ahotikoa | Hilean behin | 13,0 € |
| Az. zoledronikoa ^{22,23} | Bai ^c | Bai ^d | Ez ^c | Bai ^d | Bai | Zain barnekoia (O) | Urtean behin | 2,4 € |
| Ig antiRANKL | Denosumaba ²⁴ | Bai ^e | Bai ^e | Bai ^{a,e} | Bai | Larruzalpekoia | Sei hilean behin | 37,7 € |
| EHMS | Erraloxifenoa ²⁵ | Bai | Bai | Ez ^a | Ez | Ahotikoa | Egunean behin | 20,6 € |
| | Bazedoxifenoa ²⁶ | Bai ^f | Bai ^f | EZ ^{a,f} | EZ ^{a,f} | Ahotikoa | Egunean behin | 34,4 € |
| Hezur-sortzailea | Teriparatida ²⁷ | Ez | Bai | Ez | Ez ^{a,g} | Bai | Larruzalpekoia | 252,2 € |
| Mekanismo duala | Errmosozumabá ^{28,29} | Bai ^h | Bai | EZ ^{a,h} | Bai ^{a,i} | Ez | Larruzalpekoia | 466,9 € |

«Ez» adierazi da bai hausturen prebentziolan ebidentziarik ez badago, baita aurkako ebidentzia aurkitu bada ere.


EHMS: estrogeno-hartzailearen modulatziale selektiboa; O: ospitalekoia.

^a Aldagai sekundarioa; ^b Aurretiaz ornoetako haustura izan zuten pazienteen ehuneko ≈ % 40; ^c Aurretiaz ornoetako haustura izan zuten pazienteen ehuneko ≈ % 24; ^d Aurretiaz ornoetako haustura izan zuten pazienteen ehuneko ≈ % 56; ^e Ornoetakoak ez ziren hausturak gutxitu ziren, baina aldakako hausturei dagokienez ez zen erabakigarría izan; ^h Aurretiaz ornoetako haustura izan zuten pazienteen ehuneko ≈ % 18; ⁱ 12 edo 24 hilabetetara ez zuen arriskua murritzu; 33 hilabetetara, ordea, bai.

1. taulan, datu hauetako kontsulta daitezke: ea frogatuta dagoen osteoporosia tratatzeko eta prebenitzeko Espainian onartuta dauden farmakoak eraginkorrik diren ornoetako eta aldakako hausturak prebenitzeko, bai prebentzio primarioan, bai sekundarioan; farmakoa administratzeko bidea; posologia; kostua, eta gizonertzako baimenduta dagoen.

1. koadroan ikus daiteke gidek zer gomendio ematen dituzten osteoporosiaren kontrako farmakoak erabiltzeko, haien eraginkortasunean eta segurtasunean oinarrituta. EAEko azken urteotako kontsumo-datuuen arabera (ikusi 1. irudia), bisfosfonatoak aukerako farmakoak izanagatik ere, gero eta gutxiago preskribatzen dira. Denosumabaren kontsumoa, aldiz, bikoitzu egin da 2014tik —bisfosfonatoen alternatibatzat jotzen da denosumaba—.

1. irudia. Osteoporosiaren kontrako farmakoen kontsumoa EAEn, 2014., 2018. eta 2022. urteetan (DBE datuak*)



*Eusko Jaurlaritzaren Osasun Saileko Farmazia Zuzendaritzaren Prestazio Farmazeutikoen Zerbitzuaren informazio-sistemakoak dira datuak. DBE: (Eguneko Dosi Zehaztuak /1000 biztanle/egun).

1. koadroa. Osteoporosiaren kontrako farmakoek terapeutikan duten lekuak^{1,5,7,14,45}

Eskura dauden datuak erakusten dutenez, haustura-arriskuaren gaineko ondorio onuragarriak ondorengo pazienteetara mugatzen dira: aurretiazko ornoetako hausturak dituzten osteoporosidun pazienteak eta hezurraren dentsitate mineralaren balioak tarte osteoporotikoaren barruan (T - puntuazioa $\leq -2,5$) edo hortik gertu dituztenak⁶.

Bisfosfonatoak aukerako farmakoak dira, eta, horien artean, alendronatoa da kostu/eraginkortasun erlazio onena duena. Azido zoledronikoa alternatiba bat izan daiteke tratamenduarekiko atxikitura-arazoak dituztenentzat.

Denosumaba bigarren lerroko farmakoa da bisfosfonatorik erabili ezin duten pazienteentzat, dela farmakoa kontraindikatuta daukatelako, dela intoleranteak direlako, dela tratamendua bete ezin dutelako. Datu kezkagarri batzuk daude, erakusten dutenak tratamendua utzi ondoren ornoetako haustura izateko arriskua handitzen dela. Horregatik, denosumaba eman aurretik, pazienteei adierazi behar zaie tratamenduak epe luzekoa izan behar duela.

Erraloxifenoa eta **bazedoxifenoa** hirugarren lerroko tratamenduak dira, bisfosfonatoak edo denosumaba toleratzen ez badira. Erraloxifenoaren alde egin ohi da, segurtasun-datu gehiago daudelako eta merkeagoa delako.

Teriparatida bakar-bakarrak erabiltzen da haustura-arrisku handia eta hauskortasunak eragindako haustura bat edo gehiago izan dituzten pazienteekin. Tratamenduaren gehieneko iraupena: 24 hilabete.

Erromosozumaba ez da hasierako terapia gisa hartzen. Oso zaila da erromosozumab bidezko tratamenduak mesede egin diezaiekeen pazienteen profilak aurkitzea; batetik, behatutako efektuen garrantzi klinikoa zalantzazkoa delako; bestetik, epe luzerako efektuak ez direlako ezagutzen, eta, azkenik, segurtasun-arazoak dituelako, batez ere maila kardiobaskularrean. Tratamenduaren gehieneko iraupena: 12 hilabete.

SEGURTASUNA

Farmakoen segurtasun-profila faktore importantea da pazienteentzako tratamendurik egokiena aukeratzeko orduan, are gehiago osteoporosiaren kasuan, tratamendua prebentiboa delako. Bigarren taulan ikus daitezke farmako bakoitzak dituen kontraindikazioak, giltzurrun-gutxiegitasuna dutenei dosia doitzeko gomendioak, kontrako efektu ohikoenak, eta arraro gisa sailkatutako beste efektu batzuk, larriak direlako kontuan hartz behar direnak.

Azken horien artean daude femurreko haustura atipikoak eta masailezurreko osteonekrosia; bata zein bestea bisfosfonatoei, denosumabari eta erromosozumabari lotuta dauden ezohiko kontrako efektuak dira.

Femurreko haustura atipikoak bilateralak izaten dira maiz; aurretiazko traumatismorik gabe edo traumatismo minimo batekin ager daitezke, eta baliteke femurreko haustura osoa gertatu baino aste batzuk edo hilabete batzuk lehenago gertatzea. Bisfosfonatoen kasuan, tratamenduaren iraupena luzatu ahala handitzen da arriskua³⁰. Femurreko haustura atipikoak detektatu dira, halaber, denosumabaren erabilera lotuta, 2,5 urtez tratamenduan egon ondoren³¹, bai eta erromosozumabaren erabilera lotuta ere.

2. taula. Osteoporosiaren kontrako farmakoen kontraindikazioak, giltzurrun-gutxiegitasuna dutenei dosia doitzeko gomendioak eta kontrako efektuak^{9,32}

| Farmakoa | Kontraindikazioak | Nola erabili, giltzurrun-gutxiegitasuna dagoenean | Ohiko kontrako efektuak ^a | Nabarmenzekoak diren kontrako efektu arraroak ^a |
|---|--|---|--|--|
| Ahotik hartzeko bisfosfonatoak (alendronatoa, errisedronatoa, ibandronatoa) | <ul style="list-style-type: none"> - Hipokaltzemia. - 30 minutu baino gehiago tenente edo zutik egoteko ezintasuna. - Hustuketa gastrikoa atzeratzen duten faktoreak (estenosia esofagikoa, akalasia...). - Haurdunaldia eta edoskitzaroa. | <p>Alendronatoa:</p> <ul style="list-style-type: none"> - CICr <35 ml/min: ez da gomendatzen, esperientziarik ez da goelako. <p>Errisedronatoa:</p> <ul style="list-style-type: none"> - CICr <30 ml/min: kontraindikatuta dago. <p>Ibandronatoa:</p> <ul style="list-style-type: none"> - CICr <30 ml/min: ez da gomendatzen, esperientziarik ez da goelako. | <ul style="list-style-type: none"> - Hipokaltzemia. - Kontrako efektuak goiko traktu gastrointestinalean (errefluixu gastroesofagikoa, higadurazko esofagitisa, abdominaleneko mina, dispepsia eta abar). - Min muskuloeskeletikoa. | <ul style="list-style-type: none"> - Masailezurreko osteonekrosia. - Femurreko haustura atipikoa. - Ubeitisa. |
| Zain barnetik hartzeko bisfosfonatoak (Azido zoledronikoa) | <ul style="list-style-type: none"> - Hipokaltzemia. - Haurdunaldia eta edoskitzaroa. | <ul style="list-style-type: none"> - CICr <35 ml/min: kontraindikatuta dago. | <ul style="list-style-type: none"> - Hipokaltzemia. - Gaixotasun postinfusionala; gripe modukoa. - Min muskuloeskeletikoa. | <ul style="list-style-type: none"> - Masailezurreko osteonekrosia. - Femurreko haustura atipikoa. - Ubeitisa. |
| Denosumaba | <ul style="list-style-type: none"> - Hipokaltzemia (fitxa teknikoen gomendioa da kaltzio-mailak neurtzea denosumabdoi bakoitzaren aurretik). - Ez dago gomendatuta antisorgailurik erabiltzen ez duten emakume ugalkorrentzat. | <ul style="list-style-type: none"> - Ez dago dosia doitzeko beharririk giltzurrun-gutxiegitasuna duten pazienteei. - CICr <30 ml/min duten pazienteen kasuan, ez dago epe luzeko tratamenduari buruzko daturik. | <ul style="list-style-type: none"> - Hipokaltzemia. - Ornoetako haustura ez-traumatikoak farmakoa eten ondoren (AEMPSren FV oharra). - Gernubideen eta arnasbideen infekzioak. - Erreakzioa injekzio-puntuau. - Min muskuloeskeletikoa. | <ul style="list-style-type: none"> - Masailezurreko osteonekrosia. - Femurreko haustura atipikoa. |

| Farmakoa | Kontraindikazioak | Nola erabili, giltzurrun-gutxiegitasuna dagoenean | Ohiko kontrako efektuak ^a | Nabamentzekoak diren kontrako efektu arraoak ^a |
|----------------|---|--|---|---|
| Erraloxifenoa | <ul style="list-style-type: none"> - GTBaren egungo edo iraganeko aurrekariak (zain sakone-tako tronbosia, biriketako en-bolia eta erretinako tronbosi benosoa). - Gibeleko gutxiegitasuna (ko-lestasia barne). - Umetokiko odol-galera esplikaezina. - Giltzurrun-gutxiegitasun larria. - Potentzialki ugalkorrik diren emakumeak. - Endometrioko minbiziaren zeinuak edo sintomak dituzten pazienteak. | <ul style="list-style-type: none"> - ClCr 30-60 ml/min: arretaz erabili. - ClCr <30 ml/min: kontraindikatuta dago. | <ul style="list-style-type: none"> - Beroaldiak. - Tronboenbolismo benosoa. | <ul style="list-style-type: none"> - Iktusa. |
| Bazedoxifenoa | <ul style="list-style-type: none"> - GTBen presentzia edo aurrekariak, hala nola zain sakone-tako tronbosia, biriketako enbolismoa eta erretinako tronbosi benosoa. - Umetokiko odol-galera esplikaezina. - Endometrioko minbiziaren zeinuak edo sintomak. - Potentzialki ugalkorrik diren emakumeak. | <ul style="list-style-type: none"> - ClCr <30 ml/min: arretaz erabili, populazio horretan ez baita behar beste ebaluatu. | <ul style="list-style-type: none"> - Beroaldiak. - Tronboenbolismo benosoa. | <ul style="list-style-type: none"> - Iktusa. |
| Teriparatida | <ul style="list-style-type: none"> - Aurretiko hiperkaltzemia. - Fosfatasa alkalinoaren igoe-ra esplikaezinak. - Hezur-gaixotasun metabolikoak (hiperparatiroidismoa eta Paget-en gaixotasuna barne), ez direnak ez OP primarioa, ez GK-k eragindako OPa. - Kanpo-erradiazioaren edo eskeletoan lokalizatutako erradioterapiaren aurrekariak. - Hezur-tumoreak edo -metastasiak. - Haurdunaldia eta edoskitzaroa. | <ul style="list-style-type: none"> - ClCr 30-60 ml/min: arretaz erabili. - ClCr <30 ml/min: kontraindikatuta dago. | <ul style="list-style-type: none"> - Hiperkaltzemia. - Erreakzioa injek-zio-puntuau. - Mina gorputz-adarretan. | <ul style="list-style-type: none"> - Osteosarkoma izateko arrisku teorikoa. |
| Erromosozumaba | <ul style="list-style-type: none"> - Hipokaltzemia. - Miokardio-infartuaren edo istripu zerebrobaskularren aurrekariak. | <ul style="list-style-type: none"> - ClCr < 30 ml/min edo dialisia: kaltzioaren kontzentrazio serikoa monitorizatu behar da. | <ul style="list-style-type: none"> - Erreakzioa injek-zio-puntuau. - Artralgia. - Nasofaringitisa. | <ul style="list-style-type: none"> - Gertaera kardio-baskular larriak izateko arriskua (miokardio-infartua, iktusa). - Masailezurreko osteonekrosia. - Femurreko haus-tura atipikoa. - Hipokaltzemia. |

ClCr: kreatinina-argitzea; GTB: gertakari tronboenboliko benosoa; GK: glukokortikoidea; OP: osteoporosia.

^a Kontrako efektuen zerrenda ez da osoa.

Masailezurreko osteonekrosiaren intzidentzia handiagoa da bisfosfonato edo denosumab dosi altuak hartzen dituzten pazienteengan —hezur-metastasiak dituzten pazienteei ematen zaizkie halakoak—; halaber, zenbat eta luzeagoa tratamendua, hainbat eta handiagoa masailezurreko osteonekrosiaren intzidentzia^{1,9,14}. Osteoporosia duten pazienteen artean oso txikia da intzidentzia (1/10.000 eta 1/100.000 bitartean)². Bigarren koadroan gomendio batzuk daude, jakiteko nola maneiatu behar diren bisfosfonatoak, denosumaba eta erromosozumaba prozedura odontologikoak daudenean.

Bestalde, ikusi da denosumabaren tratamendua eten ondoren handitu egiten dela ornoetako haustura anizkoitzak izateko arriskua, hezur-berritzearen markatzaileak ugari egiten direla, eta hezurraren dentsitate minerala berehala gutxitzen dela («errebote-efektu» esaten zaio horri)³³. Administraturiko azken dositik 6 hilabetera diagnostikatu dira ornoetako haustura anizkoitzak. FREEDOM saia-kuntzaren *post hoc* azpianalisi baten datuen arabera, haustura anizkoitzen tasa, 100 pazienteko eta urteko, handiagoa izan zen denosumabaren tratamendua etendakoan, placeboarena etendakoan baino (4,2 [KT % 95: 2,8-5,7] vs 3,2 [KT % 95: 1,4-5,5]). Emaitzek erakusten dute, orobat, tratamenduaren aurretik hausturak izan zituzten pazienteek lau aldiz arrisku handiagoa zutela (Odds Ratio 3,9 [KT % 95: 2,1-7,2]) izan ez zituztenek baino³⁴.

2. koadroa. Procedura odontologiko inbaditzaleak eta masailezurreko osteonekrosia izateko arriskua: bisfosfonatoak, denosumaba edo erromosozumaba maneiatzea^{1,2,6,9,35,44,47}

Hasi baino lehen:

- Masailezurreko osteonekrosia garatzeko arrisku-faktoreak ebaluatu.
- Hertz-azterketak eta tratamendu odontologiko prebentibo egokia egin.
- Tratamendu odontologiko inbaditzaileren bat indikatzen bada (exodontzia edo inplantea), hobe da tratamendu antirresortiboaaren hasiera atzeratzea, harik eta zauri kirurgikoa guztiz orbaindu arte². Ez administratu denosumaba kirurgia eskatzen duten hortzetaiko edo masailezurreko patologia aktiboak dituzten pazienteei, ez eta aurpegimasailetako kirurgia batetik osatu ez diren pazienteei ere⁴⁶.

Tratamenduak irauten duen bitartean:

- Hortzetaiko higienea zaindu, ohiko hertz-azterketak egin, eta ahoan anomaliarik izanez gero (hertz-mugitzea, mina edo inflamazioa), berehala jakinarazi^{1,6,46}.
- Onena da hertz-prozedura inbaditzaleak minimizatzea; hala ere, indikatuta badaude, ongi eta segurtasunez eraman ahal izango dira aurrera. Ez dago datuen bidez frogatuta tratamendua eteteak masailezurreko osteonekrosia izateko arriskua murrizten duenik; hortaz, ez da gomendatzen tratamendua etetea hertz-prozeduraren bat egin behar zaien pazienteei¹. Orobak, ez dago nahikoa datu ziurtatzeko baliagarria dela, hertz-prozedura inbaditzaleak egin aurretik, hezur-berritzearen markatzaileak (adibidez, CTX markatzaileak) erabiltzea, ebaluatzen zer arrisku dagoen masailezurreko osteonekrosia izateko^{2,48}.
 - Bisfosfonatoak: masailezurreko osteonekrosia izateko arrisku-faktore gehigarriak badaude edo procedura kirurgikoa luzea izango bada, kontuan har daiteke bisfosfonato bidezko tratamendua aldi baterako etetea².
 - Denosumaba: hautazko hertz-proceduraren dentistak tratamendua eteteko eskatzen badu, zuhurra dirudi azken denosumab-injektzioa jaso denetik 5 hilabete inguru itxarotea, ahal dela, prozedurarekin hasteko, eta, gero, lesioa sendatu ondoren berrartzeara tratamendua. Dena den, esandako hori adituen iritzian oinarritura dago³⁵.
- Zain barneko bisfosfonato tratamendua jasotzen duten minbizi-pazienteei hertz-interbentzio inbasiborik ez egitea komeni da. Saihetsezinak badira, tratamendua denbora-tarte baterako etetea gomendatzen da, arreta-neurri gisa, pazientearen egoera kliniko indibiduala kontuan hartuta⁴⁷.

Ornoetako haustura anizkoitza izateko arriskua dela eta, zenbait organismok gomendatzen dute denosumabaren indikazioa arretaz ebaluatzea tratamendua hasi aurretik, bereziki pazienteak gazteak badira³⁵, eta pazienteei arriskuei buruz informatzea³⁴. Argi eta garbi esan behar zaie ezarritako egutegiari jarraitu behar dio-tela, dosirik ahaztu edo atzeratu gabe, eta abisatu behar zaie ezin dutela tratamendua eten medikuari kon-tsultatu gabe^{34,36}. Denosumabaren tratamendua eten beharra dagoenean, gidek bisfosfonato bidezko tratamendu alternatiboa jartzea gomendatzen dute^{1,2,37}.

IRAUPENA

Ez dagoenez zehaztuta zein den farmako antirresortiboen bidez osteoporosia tratatzeko aldiaren iraupen optimoa, aldian behin eta banan-banan berrebaluatu behar da farmako horiek beharrezkoak diren, eta onura/arrisku balantzea kontrakoak denean, hartzeari utzi beharko zaio. Farmako hezur-sortzaileei dagokienez, teriparatida gehienez ere 24 hilabetez erabil daiteke (bizitzan behin bakarrik har dezakete pazienteek) eta erromosozumaba, berriz, 12 hilabetez⁹. Denosumaba, teriparatida edo erromosozumaba kendu eta gero, tratamendu antirresortiborekin jarraitzea gomendatzen da⁹.

Ziur ez dakigunez osteoporosiaren kontrako farmako gehienetan tratamendua zenbat iraun behar duen, farmakoak sekuentzialki erabiltzeko hainbat estrategia proposatu dira, eraginkortasun handiena eta konplikazioak izateko arriskurik txikiena lortzeko. Hala ere, gaur egun ez dago haustura-kasuen murrizketari buruzko emaitza nahikorik estrategia baten edo bestearen alde egiteko^{2,14,38}.

FARMAKO ANTIRRESORTIBOAK: IRAUPEN ZIURGABEA

Farmako antirresortiboek ez dute gehieneko iraupen onarturik. Eraginkortasun-segurtasun profilari buruz da goen ebidentziak gehieneko aldi hauetan hartzen ditu: 10 urte, alendronatoaren eta denosumabaren kasuan^{24,39}; 9 urte, azido zoledronikoaren kasuan⁴⁰; 8 urte, erraloxifenoaren eta bazedoxifenoaren kasuan², eta 7 urte, errisedronatoaren kasuan⁴¹. Epe horiez harago, erreferentziazko gidetan ageri diren gomendioak adituen arteko adostasuna baino ez dira.

Oro har, gida guztiak bat datoan bisfosfonatoekin jarraitzeko premia berriro ebaluatu behar dela 3-5 urte igarotakoan,^{1,9,14,37} kezkagarria izango bailitzateke pazienteetan epe luzeko kontrako efektuak izateko arrisku handiagoa sorraztea (ikusi kontrako efektuen atala) (ikusi i-botika fitxa). Berriro ebaluatzen lana, etorkizunean hausturak izateko arrisku klinikoa oinarri hartuta egin behar da⁴². Haustura arriskua berrebaluatu ondoren, gidek tratamendua soilik haustura arrisku handia duten pazienteetan jarraitzea gomendatzen dute^{1,9,14,37}.

Baldin eta bisfosfonato bidezko tratamenduan 3-5 urtez egon diren pazienteek haustura-arrisku txikia edo ertaina badute, bisfosfonatoak aldi baterako uztea aholkatzen da; «opor terapeutikoak» esaten zaio horri⁴². Bada, estrategia horren oinarria da bisfosfonatoak hezurrei atxikitzen zaizkiela eta, utzi ondoren ere, efektuek oraindik denbora batez irauten dutela. Hala ere, «opor terapeutikoen» iraupen optimoa zein den ere ez dakigu. Haustura gehiagorik ez badago, egokia izan daiteke 1-3 urte farmakoa hartu gabe egotea (errisedronatoaren eta ibandronatoaren kasuan, 1-1,5 urte; alendronatoaren kasuan, 2 urte; azido zoledronikoaren kasuan, 3 urte)^{1,37}; epe hori igaro ondoren, haustura-arriskua berriro ebaluatuko da, eta erabakiko da ea komeni den tratamenduari berrekitea.

Denosumabarekin tratamenduan dauden pazienteetan ezin zaie aplikatu opor terapeutikoen estrategia. Izen ere, farmakoa kendu ondoren, bisfosfonatoek duten hondar-efektua ez agertzeaz gain, errebotetako bat azaldu da (ikusi segurtasunari buruzko atala)^{1,35,43}. Hori dela eta, gidek zera gomendatzen dute, denosumabaren administrazioa ez dadila atzeratu 6 hilabete baino gehiago eta, behin farmakoa kenduta, bisfosfonato bidezko tratamendu alternatiboa eazar dadila (ikusi 3. koadroa)^{1,2,37}.

3. koadroa. Denosumabaren paradoxa

Gida eta gomendio gehienetan arabera, denosumaba bigarren lerroko farmakoa da bisfosfonatoek erabili ezin dituzten pazienteentzat —dela intolerantzia dietelako, dela kontraindikatuta dituztelako—. Baino, edozein arrazoi dela denosumaba kendu behar bada (erabaki klinikoa, atxikidurarak eza, pazientearen erabakia...), bisfosfonatoekin hastea gomendatzen dute gidek. Ezin bada bisfosfonatoekin hasi pazienteek intolerantzia digestiboren bat duelako, azido zoledronikoa zain barnetik ematen has daiteke, baina gainerako kasuetan, aukerak urriak dira eta ez dago nahikoa datu manei-erabakiak hartzen laguntzeko. Teriparatida aukera bat izan daiteke, baina ez dago frogatuta testuinguru horretan hausturak prebenitzen dituenik⁴³.

ERROMOSOZUMABA: osteoporosiaren kontra merkaturatu den azken farmakoa^{5,9,44}

Erromosozumaba antigorputz monoklonal gizatiartua da (IgG2), duela gutxi baimendu dena hausturak izateko arrisku handia duten emakume postmenopausikoei osteoporosi larria tratatzeko. Mekanismo duala era-biltzen du hezurak birmoldatzeko:

- Hezur-eraketa areagotzen du, hezur-estaldurako zelulak aktibatuz, eta hezur-matrizea sortzen du osteoblastoen bidez eta zelula osteoprogenitoreak bilduz.
- Aldaketak eragiten ditu osteoklastoen bitartekarien espresioan, eta hezur-erresortzioa murrizten du.

Larruzalpetik administratzen da, bi injekcio elkarren segidan jarrita, leku ezberdinatan, hilean behin, 12 hilabetez. Epe hori igaro ondoren, erromosozumaba eten eta tratamendu antirresortiboa hastea gomendatzen da. Pazienteek kaltzioaren eta D bitaminaren osagarriak ere hartu behar dituzte, tratamenduan dauden bitartean. Ospitale-diagnostikoko farmako bat da, eta oniritzia eskuratu beharko da baimendutako indikazioarenak baino baldintza murriztaileagoetan hora finantzatzeko. Finantzaketa, hezurraren dentsitate minerala $\leq -3,0$ gisa definitutako osteoporosi larria eta haustura-arrisku handia duten emakumeetara mugatzen da, aurrez bisfosfonatoekin tratatu direnak edo haiei kontraindikazioa zutenak, aldez aurretik hauskortasun-haustura izan badute (urreko 24 hilabeteetan haustura-osteoporotiko handia), miokardio-infartuaren, istripu ze-

rebrobaskularrenedo gaixotasun arterial koronarioaren aurrekaririk gabe (birbaskularizazioak eta angina ezegonkorragatiko ospitaleratza barne). Pazienteek arrisku kardiobaskular txikia edo moderatua izan behar dute, REGICORen arabera (Framingham-REGICOR tauletan arriskua < % 10) edo arrisku txikia edo moderatua SCOREn tauletan, < % 5. Gelditze irizpide gisa fitxa teknikoarekin bat datorren 12 hilabeteko tratamendu iraupena ezarri da.

12-24 hilabetera, erromosozumabak emaitza hobeak eman zituen astean behingo alendronatoak baino; izan ere, erromosozumabarekin, ornoetako haustura morfometriko eta haustura kliniko gutxiago izan zituzten osteoporosi larria zuten (urretiazko hausturak eta/edo hezurraren dentsitate minerala < -2,5 atal guztietan) emakume postmenopausikoek (batez beste, 74 urte); ez zen gauza bera gertatu, ordea, ornoetakoak ez ziren hausturekin eta aldakakoekin (aldagai sekundario esploratzialeak). Erromosozumabaren eraginkortasuna alendronatoarekin alderatuta ornoetakoak ez diren eta aldakako hausturentzat analisi primarioan 33 hilabeteetara ikusi zen. Horrek esan nahi du 82 paziente (KT % 95: 45-500) tratatu beharko liratekeela erromosozumabarekin, urtebetez, aldakako haustura saihesteko.

Segurtasunari dagokionez, gertaera kardiobaskularren (miokardio-infarto akutu larria eta istripu zerebrobaskular larria) eta heriotza-tasaren hazkunde detektatu zen erromosozumaba erabiltzearekin lotuta. Miokardio-infarto akutuaren edo iktusaren aurrekariak dituzten herritarra alde batera utzita ere, espero izatekoak dira beste bi MACE gertaera 1.000 pazienteko. Kontraindikatuta dago erromosozumaba erabiltzea miokardio-infarto akutuaren eta istripu zerebrobaskularren aurrekariak dituzten pazienteetan, eta kontu handiz ebaluatu behar da arrisku kardiobaskularreko faktorerik duten, tratamenduaren hasieran eta tratamenduan zehar. Erromosozumabaren arrisku gisa identifikatu dira, halaber, femurreko haustura atipikoak, masailezurreko osteonekrosia eta hipokaltzemia.

AEMPSek posizionamendu terapeutikoari buruz egindako txostenaren arabera, oso zaila da erromosozumabaren tratamenduak mesede egin diezaikeen pazienteen profilik aurkitzea, batetik, klinikoki garrantzitsuak diren hausturen murriketan behatutako efektuen garrantzi klinikoa zalantzazkoa delako eta, bestetik, segurtasunari buruz kezkak daudelako, batez ere alderdi kardiobaskularrari dagokionez.

FUNTSEZKO IDEIAK

1. Osteoporosiari aurre egiteko edozein tratamendu farmakologiko hasi aurretik, ezinbestekoa da tratamenduen onura/arrisku balantzea balioestea eta tratamendua epe luzera planifikatzea.
2. Hausturak prebenitzeko neurriak hartza gomendatzen da, hala nola bizimodu osasungarria erama-tea, dieta orekatua izatea, ariketa fisikoa erregularki egitea, tabakorik ez erretzea, alkoholaren kontsumoa murriztea eta erorikoak prebenitzeko neurriak hartza.
3. Batez ere, haustura-arrisku handia duten pazienteei egingo die mesede tratamendu farmakologikoak.
4. Frogatuta dago osteoporosiaren kontrako farmakoak eraginkorrap direla ornoetako hausturak Hemen eskuragarri gu-txitzeko, baina soilik batzuek frogatu dute eraginkorrap direla aldakako hausturak gutxitzeko.
5. Ahotiko bisfosfonatoak —nagusiki, alendronatoa— lehen aukerakotzat jotzen dira, haien onura/arrisku balantzean oinarrituta.
6. Denosumaba kentzeak errebotea efektua eragiten duenez (ornoetako haustura anizkoitzak), zalan-tzak daude haren onura/arrisku balantzeari buruz. Arrisku horren berri eman behar zaie pazienteei, tratamenduarekiko atxikidura-arazoak badituzte edo tratamendua eteten badute.

BIBLIOGRAFIA

1. National Osteoporosis Guideline Group UK (NOGG). [Clinical guideline for the prevention and treatment of osteoporosis](#). NOGG 2021
2. Naranjo A, Díaz del Campo P, Aguado MP, Arboleya L, Casado E, Castañeda S et al. Recomendaciones de la Sociedad Española de Reumatología sobre osteoporosis. Reumatol Clin. 2019;15(4):188-210.
3. Ayers C, Kansagara D, Lazur B, Fu R, Kwon A, Harrod C. [Effectiveness and Safety of Treatments to Prevent Fractures in People With Low Bone Mass or Primary Osteoporosis](#). Ann Intern Med. 2023;176(2):182-95.
4. Rosen HN. [Clinical manifestations, diagnosis, and evaluation of osteoporosis in postmenopausal women](#). Hemen eskuragarri: UpToDate, Post TW (Ed), UpToDate, Waltham, MA. [kontsultatuta 2022/12/27].
5. AEMPS. IPT AEMPS. 2022. [Informe de Posicionamiento Terapéutico de romosozumab \(Evenity\) en osteoporosis grave en mujeres posmenopáusicas con alto riesgo de fractura](#).
6. Scottish Intercollegiate Guidelines Network (SIGN). [Management of osteoporosis and the prevention of fragility fractures. A national clinical guideline](#). NHS Scotland. 2021.

7. Rosen HN. *Overview of the management of osteoporosis in postmenopausal women.* Hemen eskuragarri: UpToDate, Post TW (Ed), UpToDate, Waltham, MA. [kontsultatuta 2022/07/29].
8. García A, Montero MJ. *Denosumab y bisfosfonatos: duración y seguridad.* Ojo de Markov. 2017.
9. AEMPSren Sendagaien Online Informazio Zentroa. *Medikamentuen fitxa teknikoak.* [kontsultatuta 2023/11/04].
10. López García-Franco A, Pereira Iglesias A, González Prats A, Cardona Corrochano E. El caso de la osteoporosis. FMC. 2022;29(4):209-18.
11. Deardorff WJ, Cenzer I, Nguyen B, Lee SJ. *Time to Benefit of Bisphosphonate Therapy for the Prevention of Fractures among Postmenopausal Women with Osteoporosis: A Meta-analysis of Randomized Clinical Trials.* JAMA Intern Med. 2022;182(1):33-41.
12. Song P, Zehtabchi S. *Denosumab for Reducing Risk of Fractures in Postmenopausal Women.* Am Fam Physician. 2019 Feb 24];99(9):1-2.
13. Qaseem A, Hicks LA, Etxeandia-Ikobaltzeta I, Shamlivan T, Cooney TG, Cross JT, et al. *Pharmacologic Treatment of Primary Osteoporosis or Low Bone Mass to Prevent Fractures in Adults: A Living Clinical Guideline From the American College of Physicians.* Ann Intern Med. 2023;176(2):224-38.
14. Kanis JA, Cooper C, Rizzoli R, Reginster JY. *European guidance for the diagnosis and management of osteoporosis in postmenopausal women.* Osteoporosis International. 2019 Jan 18;30(1):3-44.
15. Barrionuevo P, Kapoor E, Asi N, Alahdab F, Mohammed K, Benkhadra K, et al. *Efficacy of Pharmacological Therapies for the Prevention of Fractures in Postmenopausal Women: A Network Meta-Analysis.* J Clin Endocrinol Metab. 2019;104(5):1623-30.
16. Cummings SR, Black DM, Thompson DE, Applegate WB, Barrett Connor E, Musliner TA, et al. *Effect of Alendronate on Risk of Fracture in Women With Low Bone Density but Without Vertebral Fractures Results From the Fracture Intervention Trial.* JAMA. 1998;280:2077-82.
17. Black DM, Cummings SR, Karp DB, Cauley JA, Thompson DE, Nevitt MC, et al. *Randomised trial of effect of alendronate on risk of fracture in women with existing vertebral fractures.* Lancet. 1996;348(9041):1535-41.
18. Harris ST, Watts NB, Genant HK, McKeever CD, Hangartner T, Keller M, et al. *Effects of Risedronate Treatment on Vertebral and Nonvertebral Fractures in Women With Postmenopausal Osteoporosis A Randomized Controlled Trial.* JAMA. 1999;182:1344-52.
19. McClung MR, Geusens P, Miller PD, Zippel H, Bensen WG, Roux C, et al. *Effect of risedronate on the risk of hip fracture in elderly women.* N Engl J Med. 2001;344(5):333-40.
20. Reginster JY, Minne HW, Sorensen OH, Hooper M, Roux C, Brandi ML, et al. *Randomized Trial of the Effects of Risedronate on Vertebral Fractures in Women with Established Postmenopausal Osteoporosis.* Osteoporosis International. 2000;11:83-91.
21. Chesnut CH, Skag A, Christiansen C, Recker R, Stakkedstad JA, Hoiseth A, et al. *Effects of oral ibandronate administered daily or intermittently on fracture risk in postmenopausal osteoporosis.* Journal of Bone and Mineral Research. 2004;19(8):1241-9.
22. Black DM, Delmas PD, Eastell R, Reid IR, Boonen S, Cauley JA, et al. *Once-Yearly Zoledronic Acid for Treatment of Postmenopausal Osteoporosis.* N Engl J Med. 2007;356(18):1809-22.
23. Reid IR, Horne AM, Mihov B, Stewart A, Garratt E, Wong S, et al. *Fracture Prevention with Zoledronate in Older Women with Osteopenia.* New England Journal of Medicine. 2018;379(25):2407-16.
24. Cummings SR, Martin JS, McClung MR, Siris ES, Eastell R, Reid IR, et al. *Denosumab for Prevention of Fractures in Postmenopausal Women with Osteoporosis.* N Engl J Med. 2009 Aug 20;361(8):1-10.
25. Ettinger B, Black DM, Mitlak BH, Knickerbocker RK, Nickelsen T, Genant HK, et al. *Reduction of Vertebral Fracture Risk in Postmenopausal Women With Osteoporosis Treated With Raloxifene Results From a 3-Year Randomized Clinical Trial.* JAMA. 1999;282:637-45.
26. Silverman SL, Christiansen C, Genant HK, Vukicevic S, Zanchetta JR, De Villiers TJ, et al. *Efficacy of bazedoxifene in reducing new vertebral fracture risk in postmenopausal women with osteoporosis: Results from a 3-year, randomized, placebo-, and active-controlled clinical trial.* Journal of Bone and Mineral Research. 2008;23(12):1923-34.
27. Neer R, Arnaud C, Zanchetta J, Prince R, Gaich G, Reginster JY. *Effect of parathyroid hormone (1-34) on fractures and bone mineral density in postmenopausal women with osteoporosis.* N Engl J Med. 2001;344(19):1434-41.
28. Cosman F, Crittenden DB, Adachi JD, Binkley N, Czerwinski E, Ferrari S, et al. *Romosozumab Treatment in Postmenopausal Women with Osteoporosis.* New England Journal of Medicine. 2016;375(16):1532-43.
29. Saag KG, Petersen J, Brandi ML, Karaplis AC, Lorentzon M, Thomas T, et al. *Romosozumab or Alendronate for Fracture Prevention in Women with Osteoporosis.* New England Journal of Medicine. 2017;377(15):1417-27.
30. Sendagaien eta Osasun-produktuen Espainiako Agentzia (AEMPS). *Bisfosfonatos y riesgo de fracturas atípicas de fémur* (MUH (FV) 15/04/2011) [kontsultatuta 2023/11/04].
31. Comunicación dirigida a Profesionales Sanitarios. *Riesgo de fractura atípica de fémur con Prolia® (denosumab).* AMGEN 2013ko otsaila.
32. Zhu J, March L. *Treating osteoporosis: risks and management.* Aust Prescr. 2022;45(5):150-7.
33. *Denosumab: efecte rebot i altres efectes indesitjats greus.* Butlletí Groc. 2018;31:13-17.
34. Sendagaien eta Osasun-produktuen Espainiako Agentzia (AEMPS). *Prolia® (denosumab): posible riesgo de fracturas vertebrales múltiples tras la suspensión del tratamiento* (MUH (FV), 9/2019) [kontsultatuta 2023/11/04].
35. Tsourdi E, Zillikens MC, Meier C, Body JJ, Gonzalez Rodriguez E, Anastasilakis AD, et al. *Fracture Risk and Management of Discontinuation of Denosumab Therapy: A Systematic Review and Position Statement by ECTS.* Journal of Clinical Endocrinology and Metabolism. 2021;106(1):264-81.
36. Anastasilakis AD, Polyzos SA, Makras P, Aubry-Rozier B, Kaouri S, Lamy O. *Clinical Features of 24 Patients With Rebound-Associated Vertebral Fractures After Denosumab Discontinuation: Systematic Review and Additional Cases.* Journal of Bone and Mineral Research. 2017;32:1291-6.
37. Riancho JA, Peris P, González-Macías J, Pérez-Castrillón J. *Guías de práctica clínica en la osteoporosis postmenopáusica, glucocorticoide y del varón (actualización 2022).* Sociedad Española de Investigación Ósea y del Metabolismo Mineral (SEIOMM). Rev Osteoporos Metab Miner. 2022;14(1):13-33.
38. Casado E, Neyro J. *Tratamiento secuencial en osteoporosis. Nuevas tendencias.* Rev Osteoporos Metab Miner. 2021;13(4):107-16.
39. Black DM, Schwartz AV, Ensrud KE, Cauley JA, Levis S, Quandt SA, et al. *Effects of Continuing or Stopping Alendronate After 5 Years of Treatment The Fracture Intervention Trial Long-term Extension (FLEX): A Randomized Trial.* JAMA. 2006;296(24):2927-38.
40. Black DM, Reid IR, Cauley JA, Cosman F, Leung PC, Lakatos P, et al. *The effect of 6 versus 9 years of zoledronic acid treatment in osteoporosis: A randomized second extension to the HORIZON-pivotal fracture trial (PFT).* Journal of Bone and Mineral Research. 2015;30(5):934-44.

«INFAC buletina argitalpen elektroniko bat da, eta EAEko osasun profesionalei dohain banatzen da. Buletin honen helburua medikamentuen erabilera arrazionala sustatzea da biztanleriaren osasun egoera hobetzeko».



41. Mellström DD, Sörensen OH, Goemaere S, Roux C, Johnson TD, Chines AA. *Seven years of treatment with risedronate in women with postmenopausal osteoporosis*. Calcif Tissue Int. 2004;75(6):462-8.
42. Rosen HN. *Bisphosphonate therapy for the treatment of osteoporosis*. Hemen eskuragarri: UpToDate, Post TW (Ed), UpToDate, Waltham, MA. [konsultatuta 2022/10/28].
43. Rosen HN. *Denosumab for osteoporosis*. Hemen eskuragarri: UpToDate, Post TW (Ed), UpToDate, Waltham, MA. [konsultatuta 2023/02/23].
44. Euskadiko Lehen Mailako Atentzioko Medikamentu Berrien Ebaluazio-batzordea. *Romosozumab, arriskuak ditu eta onura gutxi*. Aztertuko den Medikamentu Berria Fitxa, 258-2023. zk.
45. EAEn menopausia osteko osteoporosiari buruzko adostasuna. 2015eko urtarrila.
46. Sendagaien eta Osasun-produktuen Espainiako Agentzia (AEMPS). *Denosumab (Prolia®, Xgeva®): riesgo de osteonecrosis mandibular e hipocalcemia* (MUH (FV), 13/2014). [konsultatuta 2023/11/04].
47. Sendagaien eta Osasun-produktuen Espainiako Agentzia (AEMPS). *Bisfosfonatos de administración parenteral y osteonecrosis del maxilar*. [konsulta-tuta 2023/11/04].
48. Rosen HN. *Use of biochemical markers of bone turnover in osteoporosis*. Hemen eskuragarri: UpToDate, Post TW (Ed), UpToDate, Waltham, MA. [konsultatuta 2023/02/21].

Berrikuspen bibliografikoaren data: 2023ko azaroa

Buletin hau horrela aipatu behar da: Osteoporosiaren tratamendu farmakologikoa: arrisku handiko populazioa identifikatzearen garrantzia. INFAC. 2023;31(6):60-70.

Mendikamentu berriei kontrako ondorioak dituztela susmatuz gero, oso-oso garrantzitsua da Euskal Autonomia Erkidegoko Farmakojagoletza Unitateari jakinaraztea. OSABIDERen bitartez egin dezakezu jakinarazpena. Bestela, Osakidetzako intranetaren bidez, txartel horia beteaz edo AEMPSen interneteko <https://www.notificaram.es>

Galdera, iradokizun edo parte-hartze lanak nori zuzendu: zure ESIko farmazialariei edo MIEZI edo infac@osakidetza.eus e-mailari.

Idazkuntza Batzordea: Iñigo Aizpurua¹, Iciar Alfonso², María Armendáriz³, Ainhoa Arana³, Markel Brouard⁴, Saioa Domingo³, Maitane Elola⁵, Arritxu Etxebarria³, Julia Fernández³, Isabel Fontán³, Leire Gil³, Ana Isabel Giménez³, Juan José Iglesias⁴, Josune Iribar³, Nekane Jaio³, Itxasne Lekue³, Ma José López¹, Javier Martínez³, Mónica Martínez³, Teresa Morera⁶, Carmela Mozo³, Elena Olloquiegi³, Elena Ruiz de Velasco³, Amaia Sagastibelza⁷, Rita Sainz de Rozas³, Inés San José³, Maitane Umerez³, Elena Valverde³, Miren Zubillaga⁴.

1. CEVIMEko farmazialaria; 2. Farmakologoa klinikoa; 3. Lehen mailako farmazialaria; 4. Familiako mediku; 5. Barne medikuntzako mediku; 6. Farmakologiako irakaslea (EHU); 7. Lehen mailako pediatra.



<http://www.euskadi.eus/informacion/boletin-infac/web01-a2cevime/es/>

⚠ Erabat debekaturik dago dokumentu hau promozio helburuetarako erabiltzea

Eusko Jaurlaritzaren Argitalpen Zerbitzu Nagusia

Servicio Central de Publicaciones del Gobierno Vasco

